

Бекітемін:

Мектеп директоры:



Тексерілді.

Тәрбие ісінің меңгерушісі

A handwritten signature in blue ink, written over a horizontal line.

Ажибаева Ж.С.

Қазан жалпы негізгі білім беретін мектебі 8«Ә» сынып тәрбие жоспары

2022-2023 оқу жылы

ТҮСІНІК ХАТ

Өскелең жас ұрпақты рухани-адамгершілік қасиетке баулу, тәрбиелеу – барлық кезеңде өзекті. Біздің келешегіміз – жас ұрпақ, ал ұрпақ тәрбиесі адамзаттың мәңгілік тақырыбы. Ел ертеңі болар бүгінгі балалар мен жасөспірімдерді тәрбиелеу, әлеуметтік тұрғыдан барынша қамтамасыз ету, толыққанды білім алуына жағдай жасау, олардың құқықтары мен заңды мүдделерін қорғау Қазақ елінің ұлттық саясатының басты бағыттарының бірі. Тәрбие мен оқыту өзара тығыз байланысты, бір бірінен бөліп алуға болмайтын біртұтас процесс. Білім беру ұйымдарындағы тәрбие пән мазмұны, сынып сағаттарының және мектептен, сыныптан тыс қосымша білім беру мазмұны арқылы жүзеге асады. Қазақстан Республикасының Президенті Қасым-Жомарт Кемелұлы қасиетті Түркістан қаласы, Түркі елінің шаһырағында өткізілген «Әділетті Қазақстан - Адал азамат» атты II Ұлттық құрылтайда сөйлеген сөзінде: «Адал азаматқа тән қасиеттер әрбір жастың бойынан табылуы керек, ұрпақтың бойында жаман әдет болса, бұл үлкендердің кінәсі»- дей келе, Әділетті Қазақстанды құру үшін: бүкіл қоғам болып жұмылу керектігін: - ең бастысы, әр азаматтың сана-сезімі жаңғыруы қажеттігін; - халқымыздың дүниетанымы және өмірлік ұстанымдары өзгеруге тиіс екендігін; - әйтпесе, басқа реформаның бәрі бекер болатындығын нақты атап өтті. «Біртұтас тәрбие бағдарламасы» – ұлттық, адами құндылықтарға негізделген. Бұл құжатта білім беру ұйымдарындағы тәрбие жұмысын толыққанды жүзеге асыру үшін білім алушылардың бойында қалыптастырылуы тиіс құндылықтар мен тәрбиенің мақсаты, міндеттері айқындалады. Жалпыадамзаттық және ұлттық құндылықтарды бойына сіңірген, әлемдік озық білімді игерген саналы азаматты тәрбиелеу мақсаты көзделді.

«Біртұтас тәрбие бағдарламасының» мақсаты: Жалпыадамзаттық және ұлттық құндылықтарды бойына сіңірген еңбекшор, адал, саналы, жасампаз азаматты тәрбиелеу.

Міндеттері:

1. Ата-ананың өсиетін тыңдауға, отбасы татулығы мен берекесін қадірлеуге, перзенттік парызын өтеуге тәрбиелеу.
2. Ұлттық мұраны қастерлеуге, қазақ тілін, мемлекеттік рәміздерді құрметтеуге, татулық, келісім, ынтымақ және ел бірлігін сақтауға, отаншылдық пен мемлекетшілдікке тәрбиелеу.
3. Жақсылыққа, игілікке бой түзеуге, абыройлыболуға, ар-ұждан, намыс, жауапкершілік, мейірімділік, қамқорлық пен Ұсыным әділдік қасиеттерін жоғары ұстауға баулу және құқықтық мәдениетін қалыптастыру.
4. Денсаулықты қадірлеуге, салауатты өмір салтын ұстануға, ойдың тазалығын және эмоционалды тұрақтылыққа баулу.
5. Табиғатқа, табиғи мұраға ұқыптылықпен қарауға және табиғи ресурстарды үнемді әрі тиімді қолдануға тәрбиелеу және еңбекшорлыққа баулу.

Күтілетін нәтиже:

1. Ата-анасын сыйлайды, перзенттік парызын түсінеді, «қарашанырақ», «жеті ата», «тектілік» ұғымдарының маңызын бағалайды, отбасы татулығы мен берекесін қадірлейді.
2. Отаншыл, мемлекетшіл, намысшыл, халқына адал қызмет етуді, мемлекет тәуелсіздігін және елі мен жерінің тұтастығын қорғауды боришым деп санайды және ұлттық мәдениетті құрметтейді, салт-дәстүрлерді біледі, оны сақтайды.
3. Әр ісіне, қадамына жауапкершілікпен қарайды, әдепті және мейірімді, сөзіне берік, ісіне адал, кішіге ізет, үлкенге құрмет көрсетеді, ар-ұятты жоғары бағалайды.
4. Жан мен тән тазалығын сақтайды, дұрыс тамақтану мәдениетін түсінеді, эмоционалды жай-күйін басқарады.
5. Тұратын үйін, ауласын, қаласын таза ұстайды, қоғамдық орынға және қоршаған ортаға ұқыптылықпен қарайды, табиғатқа жанашыр және туған жердің қайталанбас ерекшелігін және оның бірегей болмысын таниды және адал еңбекті жоғары бағалайды.

Тәрбиенің кешенді жоспарын іске асыруда балалардың жас ерекшеліктерін ескеруде берілетін ұсынымдар:

6-10 жастағы бала тәрбиесі

Ұсынылады:

- тәрбиелік іс-шаралардың мазмұны, форматы, көркемдік стилі, ұсынылу тәртібі қазіргі балалардың жас және психологиялық ерекшеліктеріне, қызығушылықтарына, қабылдауына сәйкес болуы;
- қысқа және ұзақ мерзімде іске асырылатын тақырыптық жобаларды жоспарлау арқылы тәрбие жұмысының жүйелілігін, бірзандылығын, тұтастығын қамтамасыз ету;
- халық ауыз әдебиеті үлгілері, көркем шығармалар тәрбиелік шаралар мен жобалардың мазмұнын қамтамасыз ететін дереккөзі ретінде қолдану;
- бастауыш сынып білім алушыларының мінез-құлық әдеби мен өзін-өзі ұстау мәдениетін қалыптастырудың құралдарының бірі ретінде қазақ халқының мақал-мәтелдерін, тыйым сөздерін қолдану;
- ұлттық ойындарды («Асық ату» өткізу, Хан талапай, Арқан тартыс, Алтыбақан, Айгөлек, Белдесу, Сакқұлақ, Тымпи, Тоғызқұмалақ т.б.) баланың физикалық, зияткерлік тұрғыдан дамуына ықпал ететін құралдардың бірі ретінде

қолдану арқылы оның қолданыс аясын кеңейту;

- әлеуметтік тәжірибелер арқылы адамдарға, жан-жануарларға қамқорлық және табиғатты қорғау аясында жасалған қайырымдылық іс-шараларына тарту, оларды әлеуметтік желілерде насихаттау ұсынылады.

Жасөспірімнің тәрбиесі (11-15 жас) Ұсынылады:

- тәрбие шаралары мен жобаларының мазмұнын, форматын, көркемдік стилін, ұсынылу тәртібін анықтауда жасөспірімдік кезеңдегі балалардың психологиялық ерекшелігін, қызығушылығын назарға алып, цифрлық технологиялардың жетістіктерін ескеру;
- жас ерекшеліктеріне сай келетін классикалық көркем шығармалар мен көркем әдебиеттерді ұсыну; оқылған шығарма кейіпкерлерінің бойындағы адам қасиеттері мен жағымсыз әдеттерін талқылауға бағытталған кейістік жағдаяттарды шешуді ұсыну;
- еліміздегі тарихи орындарға, ескерткіштерге экскурсия жасау, ел мен жер тарихы туралы деректермен танысу, театрға, музейлерге, мұрағаттарға, ұлттық парктер мен қорықтарға бару, виртуалды саяхаттар жасау немесе/және цифрлық технологиялардың жетістіктерін қолданып таныстыру;
- ақын-жыраулар және ұлт зиялыларының, батырлардың, тарихи тұлғалар мен қоғам қайраткерлерінің өмір жолдарымен, олардан мирас болып жеткен мұралармен таныстыру;
- тарихи, деректі фильмдерді талдау;
- білім алушылардың мәдени және ұлттық мұраны насихаттау бойынша бастамаларына қолдау көрсету;
- табиғатты қорғау, адамның әрекеттерінен туындайтын апаттардың алдын алу бойынша жобалар әзірлеу;
- жобаларды жүзеге асыруға отбасын әлеуметтік әріптестікке тарту;
- «Гаджетсіз демалыс» күндерін ұйымдастыру, кітап оқу, спортпен шұғылданыу, табиғат аясында серуендеу т.б. шаралар ұйымдастыру ұсынылады.

Жастар тәрбиесі (15-18 жас)

Ұсынылады:

- жастар тәрбиесі ел мен жер тұтастығын, ел тәуелсіздігін қадірлеуге, ар-ұят, намысты жоғары ұстауға, адал еңбекпен қызмет етуге,

қоғам игілігі үшін азаматтық белсенділік танытуға, жауапкершілікті саналы түсінуге, салауаттық, зияткерлік құндылықтарына негізделген тәрбиеге басымдық берілуі тиіс;

- ел болашағы үшін маңызды буын екендіктерін сезінуіне, отбасы алдындағы парызын, Отан алдындағы борышын өтуге белсенділігін арттыруға бағытталған әлеуметтік тәжірибелер мен жобаларға жастарды тарту;
- ұлттың тарихи сана-сезімін жаңғыртудың маңыздылығы, тарихи төл шежіресін дәріптеуге айырықша мән бере отырып, халқымыздың ата-бабадан мирас болып қалған мұрасын дәріптеу, ұлттың қолдан сақтауда жастардың бойындағы рухты ояту, отаншылдық пен мемлекетшілдік сезімдерін арттыруға бағытталған шаралар ұйымдастыру;
- отбасы құндылықтарын дәріптеуге, отбасын құруға жауапкершілікті түсіндіруге бағытталған іс-шараларға тарту;
- адал еібекті жоғары бағалауға, еібек адамын құрметтеуге бағытталған іс-шараларға тарту, кәсіптік бағдарын дұрыс анықтауға қолдау көрсету ұсынылады.

Білім беру ұйымдары мен педагогтың міндеті:

- балаларды заңға, адамның және азаматтың құқықтарына, бостандықтарына, ата-анасына, үлкендерге, отбасылық, тарихи және мәдени құндылықтарға, мемлекеттік рәміздерге құрмет көрсету, жоғары имандылық, патриоттық, қоршаған ортаға ұқыпты қарау рухында тәрбиелеуге;
- білім алушылар мен тәрбиеленушілердің өмірлік дағдыларын, құзыреттерін, өздігінен жұмыс істеуін, шығармашылық қабілеттерін дамытуға және саламатты өмір салты мәдениетін қалыптастыруға.

Кешенді жоспарлы іске асыруда:

Облыстық әдістемелік орталықтары мен кабинеттерінің әдіскерлері «Біртұтас тәрбие бағдарламасын» жүзеге асыруда педагогтарға әдістемелік қолдау көрсетеді. Оқыту семинарлары мен тренингтер өткізеді.

Жауапты мемлекеттік органдардың сертифицирталған тренерлері білім беру ұйымдарының педагогтары мен оқытушыларына сыныптан тыс сағаттарын өткізеді, ата-аналар жиналыстары мен тәрбиелік іс-шараларын ұйымдастырады.

Білім беру ұйымы (мектепке дейінгі, бастауыш, негізгі орта, жалпы орта, техникалық және кәсіптік білім беру) басшысының (менгерушінің, директорының) тәрбие жұмысы жөніндегі (әдіскері) орынбасары міндетті:

- тәрбие процесін ұйымдастыруды қамтамасыз етеді;
- тәрбие жұмысын ағымдағы және перспективалық жоспарлауды ұйымдастырады;
- тәрбие процесінің мазмұны мен өткізілу сапасына жүйелі бақылауды жүзеге асырады;
- тәрбие процесін қамтамасыз ететін білім беру ұйымдары әкімшілігінің, әлеуметтік-психологиялық қызметтері мен бөлімшелерінің жұртшылық және құқық қорғау органдарының өкілдерімен, ата-аналар қоғамдастығының, қамқоршылық кеңестің өкілдерімен өзара іс-қимылымен үйлестіреді.

Тәрбиені, сынып жетекші және кураторлардың міндеттері:

- салауатты өмір салтына ынталандыру;
- сыныпта достық ортаны, өзара түсіністікті құру;
- білім алушылардың басқаларға деген жауапкершілігін, ұжымда жұмыс істей білуге баулу;
- ата-аналар жиналысын өткізу (педагогикалық консилиумдар, тренингтер, әңгімелер, ата-аналарға (басқа да заңды өкілдерге) арналған консультациялар);

- білім алушылардың оқу жетістіктері және ішкі тәртіп ережелерін сақтау мәселелері бойынша ата-аналармен өзара әрекеттесу;
- аптасына бір рет (дүйсенбіде) сынып сағаттарын өткізу.

8 сынып ҚЫРКҮЙЕК

№	Іс-шаралар	Орындалу мерзімі	Аяқталу нысаны	Жауапты
1	Білім күніне арналған «Мектебім – мейірім мекені!»	1-қыркүйек, 2022 жыл	Сынып сағаттар шеруі	Сынып жетекшісі
2	Қазақстан халықтарының тілдер күніне орай «Тіл -тағудық тірегі»	6 қыркүйек, 2022 жыл	Сынып сағаттар шеруі	Сынып жетекшісі
3	Абайдың «Толық адам» ілімін насихаттау («Жеткіншектің Жеті Жарлығы»)	13 қыркүйек, 2022 жыл	Сыныптан тыс іс-шара	Сынып жетекшісі
4	«Отбасы – бақыт мекені»	20 қыркүйек 2022 жыл	Сынып сағаты	Сынып жетекшісі
5	«Қожа Ахмет Ясауидің хал хикмет ілімі» Қожа Ахмет Ясауидің туғанына 930 жыл	27 қыркүйек 2022 жыл	Көшбасшылық сайыс	Сынып жетекшісі

ҚАЗАН

	Іс-шаралар	Орындалу мерзімі	Аяқталу нысаны	Жауапты
1	Қарттар мен ұрпақтар ынтымақтастығы күніне орай "Қарияға қол ұшын соз", "Ардагерлерді ардақтайық!"	4-Қазан 2022 жыл	Қайырымдылық акциясы	Сынып жетекшісі
2	Ұстаздар мерекесіне орай «Ұстазға алғыс» атты тәрбие сағаттары, мерекелік іс- шаралар (Өзін- өзі басқару ұйымы.)	11 -қазан, 2022 жыл	Тәрбие сағаты	Сынып жетекшісі
3	Сәкен Сейфуллиннің 130 жылдығына орай «Сәкен жырдың сарқылмас дариясы» атты сыныптан тыс іс-шара («Оқуға құштар мектеп» жобасы)	18-Қазан, 2022 жыл	Сынып сағаты	Сынып жетекшісі
4	25- қазан - Республика күні мерекесіне орай "Қазақстан-туған жерім, туған елім"	25-қазан, 2022 жыл	Сыныптан тыс іс-шара	Сынып жетекшісі

ҚАРАША

№	Іс-шаралар	Орындалу мерзімі	Аяқталу нысаны	Жауапты
1	Ата-аналарға психологиялық қызмет көрсету жұмысын жетілдіру мақсатында кеңес беру жұмыстары, ата-аналар жиналысы	8-қараша 2022 жыл	Ата - аналар жиналысы	Сынып жетекшісі
2	Махамбет Өтемісұлының 220 жылдығына орай: -«Жалынды ақын Махамбет» атты сынып сағаттары; - Тарихи жерлерге саяхат жасау; - Патриоттық өлең оқу шеруі)	15-қараша, 2022 жыл	Сынып сағаты Саяхат жасау Патриоттық өлең оқу шеруі	Сынып жетекшісі
3	15 қараша – Валюта күніне орай «Тенге – мемлекет келбеті» тақырыбында сынып сағаты	22- қараша 2022 жыл	Сынып сағаты	Сынып жетекшісі
4	Ұлы жүздің биі Төле бидің туғанына – 360 жылдығына арналған «Туралықты тұғыр өткен Төле би», «Төле би - тура би, сөз сардары» -адалдық сағаттары	29- қараша, 2022 жыл	Сынып сағаты	Сынып жетекшісі

ЖЕЛТОҚСАН

№	Іс-шаралар	Орындалу мерзімі	Аяқталу нысаны	Жауапты
1	«Біздің қоғамдағы азаматтық жауапкершілігіміз»	6-желтоқсан 2022 жыл	Сынып сағаты	Сынып жетекшісі
2	-ҚР Тәуелсіздік күніне орай - "Тәуелсіздік таңы мәңгілік", «Ұлттық рух – мәңгілік ел болудың өзегі»	13- желтоқсан 2022 жыл	Сыныптан тыс іс-шара	Сынып жетекшісі
3	«Жеңісімді Тәуелсіздікке арнаймын!» үздік спортшыны атауы.	20-желтоқсан, 2022 жыл	Спорттық жарыс	Сынып жетекшісі
4	«Еңбек бәрін де жеңбей» сынып сағаты	27-желтоқсан, 2022 жыл	Сынып сағаты	Сынып жетекшісі

ҚАҢТАР

№	Іс-шаралар	Орындалу мерзімі	Аяқталу нысаны	Жауапты
1	Ата-аналар жиналысы «Отбасындағы ортақ тіл»	10-қаңтар 2023 жыл	Ата-аналар жиналысы	Сынып жетекшісі
2	«Ғаламтор мен әлеуметтік желілер: зияны немесе пайдасы» тәрбие сағаттары	17- қаңтар 2023 жыл	Тәрбие сағаты	Сынып жетекшісі
3	Ілияс Жансүгіровтің 130 жылдығына орай «Жыр Құлагері» атты дөңгелек үстел	24-қаңтар 2023 жыл	Дөңгелек үстел	Сынып жетекшісі
4	-«Мейірімділік - асыл қасиет» атты қайырымдылық тәрбие сағаттары	31-қаңтар 202 жыл	Тәрбие сағаты	Сынып жетекшісі

АҚПАН

№	Іс-шаралар	Орындалу мерзімі	Аяқталу нысаны	Жауапты
1	Жүсіпбек Аймауытовтың 135 жылдығына орай «Алаштың бір туар азаматы», «Алаш зиялылары және ұлт тілі» атты өлкетану сағаты	7-ақпан 2023 жыл	Өлкетану сағаты	Сынып жетекшісі
2	«Өзінді мамандықтар әлемінде тап»	14-ақпан 2023 жыл	Сынып сағаты	Сынып жетекшісі
3	«Ар ұят және жауапкершілік» тақырыбында сынып сағаттары	21-ақпан 2023 жыл	Сынып сағаты	Сынып жетекшісі
4	«Денсаулық және дұрыс тамақтану мәдениеті» тақырыбында сынып сағаттары	28-ақпан, 2023 жыл	Сынып сағаты	Сынып жетекшісі

НАУРЫЗ

	Іс-шаралар	Орындалу мерзімі	Аяқталу нысаны	Жауапты
	8 наурыз – Халықаралық аналар күні -«Ана, бәрі бір өзінен басталады»	14-наурыз, 2023 жыл	Сыныптан тыс іс-шара	Сынып жетекшісі
	22- наурыз –Ұлыстың ұлы мерекесіне орай - «Ұлттық киім – ұрпаққа мұра»	28-наурыз, 2023 жыл	бейнепрезентация	Сынып жетекшісі

СӘУІР

№	Іс-шаралар	Орындалу мерзімі	Аяқталу нысаны	Жауапты
1	<i>Ақын, жатушы, философ, тарихшы, композитор Шәкәрім Құдайбердіұлының туғанына 165 жыл</i>	4-сәуір 2023 жыл	Тәрбие сағаты	Сынып жетекшісі
2	«Жалынды жастар көктемі»	11-сәуір 2023 жыл	жастар экологиялық акция	Сынып жетекшісі
3	«Достық – көмекпен мықты»)	18-сәуір 2023 жыл	Сынып сағаты	Сынып жетекшісі
4	«Жігіт сұлтаны -2024» байқауы	25-сәуір 2023 жыл	Сыныптан тыс іс-шара	Сынып жетекшісі
5	«Мен таңдаған мамандық» атты дәріс, «Мен қосбасшымын» «Еңбегі адал жас өрен» жобасы. Еріктілермен жұмыс	30-сәуір 2023 жыл	Дәріс, сайыс	Сынып жетекшісі

№	Іс-шаралар	МАМЫР		
		Орындалу мерзімі	Аяқталу нысаны	Жауапты
1	7 мамыр – Отан қорғаушылар күніне орай «Ұранды ердің – ұрпағы қайсар»	2-мамыр 2023 жыл	Сынып сағаты	Сынып жетекшісі
2	9 мамыр – Жеңіс күні мерекесіне орай «Ұлы жеңіс жасасын!»	16- мамыр 2023 жыл	Сынып сағаты	Сынып жетекшісі
3	25 мамыр – Соңғы қоңырау салтанатты мерекелік іс-шарасы	23-мамыр 2023 жыл	Сынып сағаты, іс-шаралар	Сынып жетекшісі